

興國縣志卷之二

沿革

按興國本漢豫章郡贛縣地寰宇記諸書皆言春秋時屬吳贛郡張志本其說謂吳越楚相繼奄有其地惟輿地廣記以贛為春秋時百越之地新唐書謂豫章會稽皆越分較諸書為可據星野志既採用其說而沿革則自漢始誠以漢初之九江郡猶沿秦舊自漢以後分合廢置其年代始可得而考也蔣志
漢高帝元年乙未楚項羽立英布為九江王九江郡地

興國縣志

卷之二

沿革

九江王國 九江郡

四年戊戌改九江郡為淮南國以英布為淮南王

淮南王國

五年己亥分淮南置豫章郡領縣十八縣為贛縣地

淮南王國 豫章郡 贛縣

十一年乙巳封劉濞為吳王分豫章屬吳

吳王國 豫章郡 贛縣

景帝三年丁亥吳王濞滅國廢郡隸揚州部

揚州 豫章郡 贛縣

東漢獻帝建安四年己卯孫策分豫章置廬陵郡贛郡志作

初平三年
今從通鑑

揚州 廬陵郡 贛縣

三國吳王孫權嘉禾五年丙辰分廬陵置南部都尉治
雩都析贛縣置平陽縣

揚州 南部都尉 平陽

晉武帝太康元年庚子改平陽為平固縣

揚州 南部都尉 平固

太康三年壬寅罷南部都尉置南康郡

揚州 南康郡 平固

惠帝元康元年辛亥割荆揚十郡立江州刺史治潯陽

興國縣志

卷之二

沿革

穆帝永和五年己酉徙郡治於贛

江州 南康郡 平固

宋武帝永初元年庚申改南康郡為南康國

江州 南康國 平固

齊武帝永明元年癸亥復以南康國為南康郡

江州 南康郡 平固

隋文帝開皇九年己酉設洪州總管府改南康郡為虔
州省平固入贛縣改贛縣為南康縣

洪州 虔州 南康

煬帝大業三年丁卯復改虔州為南康郡南康縣為贛

縣

洪州 南康郡 贛縣

唐高祖武德五年壬午復改南康郡為虔州

洪州 虔州 贛縣

太宗貞觀元年丁亥分天下為十道地屬江南道

江南道 虔州 贛縣

元宗開元二十一年癸酉分天下為十五道地屬江南西道

江南西道 虔州 贛縣

天寶元年壬午復改虔州為南康郡

興國縣志

卷之二

沿革

江南西道 南康郡 贛縣

肅宗乾元元年戊戌復改南康郡為虔州

江南西道 虔州 贛縣

五代梁主朱溫開平四年庚午盧光稠附梁置百勝軍

江南西道 百勝軍 贛縣

南唐先主李昇昇元元年丁酉改百勝軍為昭信軍

江南西道 昭信軍 贛縣

宋太宗太平興國元年丙子分江南為東西路以昭信軍為虔州屬西路

江南西路 虔州 贛縣

七年壬午析贛縣澱江鎮卽前平固地置興國縣

江南西路 虔州 興國

宋史志曰興國縣太平興國中析贛縣七鄉置名勝志曰益以廬陵泰和之地立縣於澱江鎮因年號爲名

張尚瑗曰一統志興國漢贛縣地三國吳分置平陽縣晉太康元年改曰平固屬南康郡宋齊以後因之隋省宋太平興國七年始置興國縣屬虔州平固故城在縣北百二十里至今澱濊合流名曰平固江贛縣有平固鎮亦以故縣名也贛州府志興國距府東

興國縣志

卷之二

沿革

北一百八十里卽古平固縣地以宋太平興國七年所置得名而於贛縣條下曰初割置平固縣後割置興國縣贛縣志亦曰漢建安中孫權據吳析贛地置平陽縣晉太康初改平固宋太平興國中又析澱江鎮之七鄉置興國縣興國之卽爲平固典記相傳初無異議獨王象之輿地紀勝駁之曰平固鎮卽今贛縣長興鄉之平固市也興國東北境乃割廬陵太和以益之者孫吳置縣惟析贛縣平固故城安得在廬陵太和界中耶予嘗往來郡城親履贛縣長興鄉之域其土名曰田邨曰白鷺曰石院皆在興國西南五

六十里之內贛縣東北百里之外象之之論謂孫吳置縣惟析贛地則平固故城必當於此乎求之矣百里之內兩縣並立既恐其疆索太逼形勢非宜即使縣治建立於此而謂從此而北必無平固之封畛則今之所謂興國者緬溯六朝豈盡委之狐狸荆棘耶抑廬陵太和斥堠之所掌乃控制於三四百里間耶興國有鍾氏族譜其說曰潞江鎮唐宋爲贛縣之豐樂鄉設有土均砦鍾紹京四世祖匡始遷虔州與三世祖威皆葬於平固原沙陂在殷富對江夫志稱析贛縣七鄉置興國今止六鄉豐樂者七鄉之一也土

興國縣志

卷之二

沿革

均者砦名也殷富對江爲藍陂距城北四五十里則興國之北四五十里猶曰平固其可證者一芸窓私志涓子入平固縣覆笥山覆笥在興國崇賢鄉去城北百有餘里與廬陵接壤象之謂平固故城不得在廬陵泰和界中而覆笥之壤正在分割廬陵界中矣其可證者二又曰歐陽忞輿地廣記平固鎮本平固縣廢此一條尤爲明白夫忞之言正與興國古名平固相發明今不能駁其說而辯衆譌徒欲廢其說而伸獨見吾未之敢服也大約北宋置縣原未嘗悉按孫吳之疆理且更損廬陵南鄙之有餘補贛縣北陲

之不足平固市平固江者古平固之所有今興國之所無
所無覆笥般富土均豐樂今古同之則興國之爲古
平固無疑矣特其故城之在城北百二十里或卽於
崇賢未可知要未敢臆度而強實之耳又興國一名
平川時論以爲水勢平行非也吳會杭湖常潤之水
皆平蘇州界乎其中平流尤甚故宋世名爲平江若
激濺合流湍駛灘激勢擬建瓴而以平命之不亦虛
乎然則平川也者直以平固之縣得名云爾今一統
志府志皆存平固古名而縣志獨闕遂使舊跡名區
淪於甌脫予非好事而爲傳會之說也躬履其域審

興國縣志

卷之二

沿革

乎地勢而得之者也

孔興浙曰置縣之始張太史指爲三國之平陽前志
旣鮮紀載官師亦多未詳今置縣以太平興國七年
爲始刪書斷自唐虞茲竊取其義

按興國卽三國之平陽典記甚明孔志謂前志旣鮮
紀載殆專據所見之蔡志黃志而言安知成化間之
章志袁志宏治間之曾志嘉靖間之盧志不常溯源
於三國吳之平陽與晉太康初之平固耶官師則陳
代有平固令胡穎其人如必一一可詳而後不在就
刪之列則宋齊以來南康郡之陽都虔化陂陽南安

其官師皆無可考卽贛縣雩都南野爲漢初之大縣其官師亦皆無可考是豈可悉取而刪之耶志林反覆辨正特以破王象之之異議而已並非古無是說至張太史始創爲此論也今據宋書齊書及省郡各志以平陽平固編入沿革張孔兩家之論亦附存之以俟後人參考

蔣志

高宗建炎四年庚戌通江東西爲江南路

江南路 虔州 興國

紹興元年辛亥復分江南西路

江南西路 虔州 興國

興國縣志

卷之二

沿革

二十三年癸酉改虔州曰贛州

江南西路 贛州 興國

元世祖至元十三年丙子設江西行中書省

江西行中書省 贛州 興國

成宗元貞元年乙未改贛州爲路

江西行中書省 贛州路 興國

明太祖洪武二年己酉改贛州路爲贛州府

江西行中書省 贛州府 興國

九年丙辰革行中書省置江西布政使司

江西布政使司 贛州府 興國

國朝順治三年丙戌十月

大兵定贛州仍明制

江西布政使司 贛州府 興國

自三國吳嘉禾五年置平陽縣晉改為平固縣至隋開

皇九年省入贛縣凡三百五十四年自隋開皇十年至

凡三百九十二年是

省平固入贛縣之年自宋太平興國七年建興國縣至

國朝同治十年凡八百九十年